

清季外交史精

卷十一 五國公約

三 十 七 八

魏志外傳

卷之十一
內
一
一
一
一

清季外交史料卷七十一

光緒十三年四月至五月

目錄

粵督張之洞等致總署請勿許法在龍州通商電

四月初四日

直督李鴻章致總署大東大北公司要挾接綫請歸津議電

初四日

總署致李鴻章英使所請通商稅則可否允行希復電

十四日

直督李鴻章致總署通商稅則似可允行電

十四日

閩督楊昌濬致總署藥膏若不抽釐便宜洋商電

十五日

滬道龔照璣致總署存棧補半釐洋藥可否照稅司辦法乞示電

二

十三日

總署致龔照璣完稅存棧洋藥照新章辦理電

二十三日

直督李鴻章致總署袁電俄韓近議陸路通商章程電二十六日

總署奏出使兼駐之國宜令附近分隸摺二十六日

總署奏擬訂出洋游歷人員章程摺附條款二十六日

使英劉瑞芬致總署報蘇彝士河作爲局外之地電閏四月初三日

直督李鴻章致總署中韓劃界各派員確勘江源電初四日

總署致粵關監督增潤六廠常稅交稅司接辦電二件初九日

粵督張之洞致總署請勿許洋藥自越入口乞鈞酌電十五日

勘界大臣鄧承修致總署桂邊疫盛請暫移駐欽廉電十九日

粵督張之洞致總署粵借洋款應還請飭稅司趕辦電十九日

使美日祕張蔭桓奏兼使日國起程日期摺二十日

使美日祕張蔭桓奏小呂宋議設領事片二十日

粵督張之洞奏葡國永租廣東澳門請審慎立約摺二十一日

總署奏中法界務商務續經議定摺

附界務商務專條及附章各一件照會上諭各二件五月初三日

諭洪鈞劉瑞芬充出使歐洲各國使臣

初三日

勘界大臣鄧承修致總署遵旨與狄隆改正圖綫電

附旨初四日

伊犁將軍錫綸等奏議覆承化寺僧衆遷回塔城摺十二日

伊犁將軍錫綸奏俄人嚴憚棍噶札拉參請准照舊住居於疆務有

益片十二日

禮部奏朝鮮與法國訂約摺

附咨文三十日

禮部奏朝鮮因英國還巨文島奉表稱謝並賀親政摺三十日

章仍須補交八十兩以示區別該關所出告示未能分晰有礙新章易資藉口速即分明曉示爲要四月二十三日

直督李鴻章致總署袁電俄韓近議陸路通商章程電
袁世凱電俄陸約已成草本通商處改在交界上之慶興前各國約內地各處均准通商故俄陸約未能限定通商之路據允植云咸鏡多山雖不限路亦只一路可通韓民入俄籍已商另照會允許發還流民俄韋堅不允惟俄韓民寄居兩國均隨其願回抽五稅俄韋囑列入照會如將來他國改議陸稅俄亦照准前據法尼自稱拿交事可商各國均准互相拿交俄拿交條姑不必定韓廷欲試議凱度以韓力恐未易商姑屬允植將拿交事先於照會內聲明將來另立專條待德尼自平壤

清季外交史料卷七十一

男希隱亮編

黃巖弢夫王彥威輯

孫孝章敬立校

督粵張之洞等致總署請勿許法在龍州通商電

聞法恭使請以白龍江黃與商務抵換必係欲在龍州通商此事有損
邊防其害甚鉅斷不可許龍州設埠鎮南關之險全失矣竊思九頭山
非越有原案可據若以九頭山與之作抵尙不喫虧或別籌抵制事關
廣西邊防會商意見相同不敢不瀝陳請代奏

四月初四日

直督李鴻章致總署大東大北公司接綫請歸津議電

大北大東電報公司聞華公司議將與越南法線恰克圖俄綫相接慮
侵伊等海綫之利來津多方要挾把持鴻置不理若彼求俄英使向署
曉舌請推至敝處理論四月初四日

總署致李鴻章英使所請通商稅則可否允行希復電
前議洋貨仍五分減一土貨五分減二英使力爭現擬洋貨十分減三
土貨仍五分減二等意如行希復仍斟酌與言如稅可通融即易定議
四月十四日

直督李鴻章致總署通商稅則似可允行電

洋貨十分減三土貨五分減二似彼此均不失算可允行四月十四日

閩督楊昌濬致總署藥膏若不抽釐便宜洋商電

藥膏抽釐爲整頓土藥而起因藥既成膏洋土無由分別故有責成商家總抽之議迄未能定膏釐尙未行自應遵照停止惟洋藥膏半多參用土藥以銷內地若不抽釐徒便宜洋商土藥釐亦難起色

四月十五日

滬道龔照瑗致總署存棧補半釐洋藥可否照稅司辦

法乞示電

存棧補半釐洋藥總稅司電飭滬關稅司用舊局印花運單與新章劃分界限且祇在蘇省行銷如令補足八十始粘印給單恐銷路阻滯仍歸租界私銷可否照總稅司辦法乞示

四月二十三日

總署致龔照瑗完稅存棧洋藥照新章辦理電

完稅存棧之藥前准補釐四十惟不得照章粘印給單如商人願照新

章仍須補交八十兩以示區別該關所出告示未能分晰有礙新章易資藉口速即分明曉示爲要四月二十三日

直督李鴻章致總署袁電俄韓近議陸路通商章程電
袁世凱電俄陸約已成草本通商處改在交界上之慶興前各國約內地各處均准通商故俄陸約未能限定通商之路據允植云咸鏡多山雖不限路亦只一路可通韓民入俄籍已商另照會允許發還流民俄韋堅不允惟俄韓民寄居兩國均隨其願回抽五稅俄韋囑列入照會如將來他國改議陸稅俄亦照准前據法尼自稱拿交事可商各國均准互相拿交俄拿交條姑不必定韓廷欲試議凱度以韓力恐未易商姑屬允植將拿交事先於照會內聲明將來另立專條待德尼自平壤

回當囑試辦韓廷惑於衆議毫無主意雖議經年不能力持至凱前所擬各條多未能照辦雖無大害究亦未能周匝然俄韓不敵勢難兩得其平云

四月二十六日

總署奏出使兼駐之國宜令附近分隸摺

總理各國事務慶親王奕劻等奏爲出使大臣兼駐之國宜令附近分隸並酌復舊式以便往來而期周妥事竊臣衙門自擬定出使章程以來凡遇應請派往何國及兼充何國之員歷經奏陳在案各西國旣遣使來華咸願中國亦有使臣駐其國都以爲光寵溯查光緒元年侍郎郭嵩燾始奉使英之命三年劉錫鴻使法四年崇厚使俄是年郭嵩燾兼充使法嗣以換約之國日多勢難遍遣專使致增糜費其商務稀簡

而素鮮交涉者如意荷奧比等國卽令出使英法大臣就近兼充亦足以示聯屬邦交之意除日本別在東瀛美利堅又自居一洲外現在出使泰西之國英俄共派一員至英之兼俄係因當年臣曾紀澤由英倫奉命赴俄辦理交收伊犁之案迨議約有成卽曾兼充使職德之兼法亦係暫局循行未改皆以事勢所值不得不計出權宜惟英國商務繁多俄國邊界綿長駐紮該二國之使臣甚關緊要英俄相距遙遠設有緩急使臣分身兩地常恐貽誤事機德廠近年訂購船礮使臣駐閱時多法都僅能偶到雖派參贊一員在彼權攝而法之與德讎憾未消難免疑我使臣有親疏之迹卽相待有厚薄之心似不如量與變通慰其觖望查英法兩國雖隔一海峽然道路不遠火輪舟車僅行八點鐘之

久即可由法國都城至英國都城俄國都城之距德雖較英之距法稍遠然較之英俄相距之路程則不過三分之一擬請嗣後出使英國之員仍酌復郭嵩燾曾紀澤出使時之舊式令其兼充駐法使臣而以義比兩國附之出使俄國之員兼充駐德使臣而以奧荷兩國附之如此一轉移間既便來往亦形周妥於經費並無出入於公事較有裨益倫蒙俞允所有該大臣等所奉敕書應有增減換給事宜容再分別辦理謹奏光緒十三年四月二十六日奉硃批依議

總署奏擬訂出洋游歷人員章程摺

附條款

總理各國事務慶親王奕劻等奏爲遵擬出洋游歷人員章程事竊於上年十二月初十日奉諭旨前據謝祖源奏請飭保薦出洋人員經總

理衙門議覆請由翰林院六部核實保薦現在幾及兩年尙未據保薦
有人著該衙門傳知翰林院六部迅即查明有無可以保薦之員限三
箇月內咨覆該衙門勿再遲延欽此欽遵恭錄行知各部院遵照辦理
去訖查臣等前奏內稱翰詹部屬中如實有製器通算測地知兵之選
堅樸耐勞志節超邁可備出洋遊歷者請旨飭下各衙門核實保薦咨
送臣衙門考核再行奏請發往各國遊歷應需出洋薪裝屆時由臣衙
門酌定數目在出使經費項下發給等因現在各該衙門正在陸續保
送俟送齊後再由臣衙門考核去取釐定員數請旨遵行至遊歷人員
應定年限及薪水數目並一切考核課程必須示明定章俾資遵守臣
等公同商酌謹擬章程十四條開單恭呈御覽此外或有未盡事宜容

當隨時酌核奏明辦理謹奏光緒十三年四月二十六日奉硃批依議

謹擬出洋游歷章程條款繕呈御覽

一、選派人員出洋游歷當視經費之贏絀以定員數之多寡刻下設法節省出使經費計省出之數每年不過四萬餘兩以供派員出洋游歷之費不爲充裕勢不得不限定人數臣等公同商酌此次派出之員除繙譯人員之外當以十員或十二員爲定額

一、各衙門人員之願出洋者固不乏有志有才之士然其中志大才疏於洋務一道難以體貼者亦恐難免除翰林衙門人員由其本衙門先試以紀載之筆再行咨送外其各衙門人員俟保送名單彙齊之後擬由臣衙門定期傳集考試以定去取其考試所取專以長於紀

載敘事有條理者入選

一、游歷至久者以二年爲限往來程途均在限內其有過二年者即作爲自備資斧之游歷停支薪水過一年半後先歸者聽至於各員出洋或經奉旨派留西洋或中國外省另有差使以及經出使大臣各省督撫奏留咨留另有差委者自無須由臣衙門催其如限回京

二、京官實缺四品以上人員及在京有緊要職事者雖於單內自註願行臣等未敢擅便屆時應由臣衙門奏聞請旨方定行止五品以下人員每月擬給薪水銀二百兩伙食僕役一概在內每員准僱請繙譯生一名月支薪水銀五十兩其繙譯准在臣衙門同文館及上海廣方言館福建船政局廣東同文館各處選擇其在他處另僱者聽

一、往返船價及在各國游歷火車車價准其開支公項京官五品以下游歷官及繙譯生均准每人用二等船艙一位每游歷官一員准帶僕役一名僕役工價該員自備僕役用三等船艙一位准由該員開報作正開銷至游歷官繙譯官繙譯生及游歷官所携之僕役在西洋游歷時搭坐火輪車其章程等第亦照搭坐輪船等第乘坐惟火車有不設三等坐位之處准其臨時酌升等第所有僱船僱火車之事責成文報局及駐洋使署領事署爲之經理

一、各員准預支薪水銀六箇月公項銀一千兩以備應用其或不敷准在各使署暫行借支仍由本衙門撥還但借支之數不得越於該員應支薪水之數